

御纂醫宗金鑑卷四十七

編輯婦科心法要訣目錄

生育門

臨產

產室

擇收生婆

驚生

試胎弄胎

坐草

補身醫方全錄
卷四
臨盆

交骨不開

開骨散

盤腸生

補中益氣湯

十全大補湯

草麻貼法

酥油潤法

難產

產後門

胞衣不下證治

奪命散

產門不閉證治

十全大補湯

血暈證治

清魂散

佛手散

醋漆薰法

惡露不下證治

失笑散

聖愈湯

惡露不絕證治

加味十全大補湯

佛手散

頭疼證治

芎歸湯

八珍湯

心胃痛證治

大巖蜜湯

玉燭散

腹痛證治

失笑散

香桂散

異功散

少腹痛證治

延胡索散

吳茱萸湯

五苓散

脇痛證治

延胡索散

四君子湯

八珍湯

腰痛證治

佛手散

加味六味地黃湯

徧身疼痛證治

越痛散

加味四物湯

腹中塊痛證治

延胡索散

吳茱萸湯

筋攣證治

加味四物湯

八珍湯

傷食嘔吐證治

六君子湯

二陳湯

呃逆證治

丁香豆蔻散

茹橘飲

氣喘證治

參附煎

二味參蘇飲

浮腫證治

枳朮湯

小調中湯

小調經散

茯苓導水湯

發熱證治

加味四物湯

加味異功散

六君子湯

生化湯

四物湯

十全大補湯

八珍湯

當歸補血湯

參附湯

寒熱證治

柴胡四物湯

生化湯

更生散

自汗頭汗證治

當歸六黃湯

黃耆湯

參附湯

中風證治

十全大補湯

瘵病證治

加味八珍湯

癩瘰抽搐證治

加味八珍湯

不語證治

加味八珍湯

星連二陳湯

七珍散

八珍湯

二陳湯

御纂醫宗金鑑卷四十七

編輯婦科心法要訣

生育門

臨產

妊娠臨產要安詳腹內雖疼切莫慌舒身仰卧容
胎轉靜待生時不用忙

註

妊娠月足臨產腹內如覺動轉疼痛須要安
詳莫自慌亂舒體仰卧時時緩步使兒身轉
正靜以待之至其生育之時自然順生不用

忙也

產室

產室寒溫要適時嚴寒酷熱總非宜夏要清涼冬要煖病者醫人俱要知

註

產室之內四時俱要寒溫適中若太熱太寒

均不相宜夏月必須清涼勿令炎熱致產母

中暑暈迷倘有其事不妨少與涼水以解之

冬月必須溫煖勿令寒冷以致血凝難產當

多備火爐使產母腰背下身就火烘之此臨

產之家及醫人皆當知之者也

擇收生婆

臨產穩婆須預擇老成歷練又精明無故莫教使手法寬心寧耐待時生

註

臨產之家必用收生婆須預先擇老成歷練明白經事之人無故切勿令其先使手法如試水探漿等事但囑令寬心寧耐以待生時可也

驚生

人語喧譁產母驚心虛氣怯號驚生急須止靜休
嘈雜產母心安胎自寧

註

產房之內不可多人人多則語聲喧譁產母
之心必驚驚則心氣虛怯至產時多致困乏
號曰驚生有如此者須急急摒出口只留服役
一二人使寂靜而無嘈雜之聲則母心始安
安則其胎亦寧靜矣

試胎弄胎

月數未足腹中痛痛定如常名試胎臨月腹痛腰

不痛或作或止名弄胎二者均非正產候但須寧靜莫疑猜

註

妊娠八九個月時或腹中痛痛定仍然如常者此名試胎宜養血以安其胎若月數已足腹痛或作或止腰不痛者此名弄胎不宜輕動二者均非正產之時切勿躁擾疑惑惟宜寧靜以待其時

坐草

坐草須知要及時兒身未順且遲遲若教產母用

力早逼胎不正悔難追

註

凡產婦坐草最要及時不可太早若兒身未
順寧可遲遲寬心以待倘坐草太早非正產
之時妄使產母用力往往逼胎不正遂至橫
倒者有之雖悔無及矣

臨盆

兒身轉順頂當門胞漿已破腹腰疼中指跳動穀
道挺臨盆用力送兒生

註

凡兒之生自有其時時至則兒身轉順頭頂

正當產門胞漿大來腰重腹痛穀道挺迸產
母中指中節或本節跳動此方爲正產之時
方可臨盆用力送兒自順生矣

交骨不開

交骨不開須細審或因不足或初胎總宜開骨通
陰氣佛手龜板婦髮灰若因不足加參妙一服能
令骨立開

註

產婦交骨不開有因氣血不足者有因初次
胎產者二者均宜用開骨散通其陰氣其方

即佛手散加敗龜板其生過子女婦人頭髮也氣血不足者加人參服之可使其骨立開

盤腸生

盤腸未產腸先出已產嬰兒腸不收頂貼革麻服升補腸乾潤以奶酥油

註

妊娠婦人有盤腸生者臨產之時其腸先拖

出及兒已產下其腸有仍不收者須以革麻

仁搗爛貼於頂心內服升補之劑如補中益

氣湯或八珍十全大補等湯加升麻以升補

之其腸自收矣

補中益氣湯

十全大補湯

方俱見首卷

難產

難產之由不一端胎前安逸過貪眠驚恐氣怯用力早胞破血壅血漿乾

註

妊娠難產之由非只一端或胎前喜安逸不耐勞碌或過貪眠睡皆令氣滯難產或臨產驚恐氣怯或用力太早則產母困乏難產或

行身醫案全錄 卷四 五
胞傷血出血壅產路或胞漿破早漿血乾枯
皆足以致難產臨證之工不可不審也

產後門

胞衣不下證治

胞衣不下因初產用力勞乏風冷凝下血過多產路澁血入胞衣腹脹疼急服奪命沒竭散勿使冲心喘滿生諭令穩婆隨胎取休驚產母莫教聞

註

產婦胞衣不下者或因初產用力困乏風冷相干致血瘀凝或因下血過多血枯產路乾澁或血入胞衣服滿疼痛皆能使胞衣不下均當急用奪命散即沒藥血竭二味爲散也

免致上攻心胸脹滿喘急爲害不小且宜諭
令穩婆隨胎取下莫使產母聞之恐被驚則
愈難下也

產門不閉證治

產門不閉由不足初產因傷必腫疼不足十全大
補治甘草湯洗腫傷平

註

凡產後玉門不閉者多由氣血不足所致亦
有因初產傷重者必腫而疼也氣血不足者
用十全大補湯治之因傷腫痛者濃煎甘草

湯洗之其腫傷自平

十全大補湯

方見首卷

血暈證治

清魂散

產後血暈惡露少面脣色赤是停瘀惡露去多脣
面白乃屬血脫不須疑虛用清魂荆芥穗人參芎
草澤蘭隨腹痛停瘀佛手散醋漆薰法總相宜

註

產後血暈有因惡露去少內有停瘀上攻迷
暈者面脣必赤色有因去血過多血脫而暈

御纂醫宗金鑑 卷四十一
者面脣必色白血弱者宜用清魂散卽荆芥
穗人參川芎甘草澤蘭葉也若停瘀腹痛者
用佛手散二者俱宜頻燒乾漆及用火燒鐵
釘淬醋不時薰之

佛手散

方見首卷

惡露不下證治

惡露不下是何因風冷氣滯血瘀凝若還不下因
無血面色黃白不脹疼風冷血凝失笑散去多聖
愈補而行

註
產後惡露不下有因風冷相干氣滯血凝而
不行者必腹中脹痛有因產時去血太多無
血不行者面色必黃白腹必不疼以此辨之
血凝者用失笑散逐而行之無血者用聖愈
湯補而行之

失笑散

聖愈湯

方俱見首卷

惡露不絕證治

惡露不絕傷任衝不固時時淋漓行或因虛損血

不攝或因瘀血腹中停審色污淡臭腥穢虛補實
攻要辨明虛用十全加膠續瘀宜佛手補而行

註

產後惡露乃裏兒污血產時當隨胎而下若
日久不斷時時淋漓者或因衝任虛損血不
收攝或因瘀行不盡停留腹內隨化隨行者
當審其血之色或污濁不明或淺淡不鮮或
臭或腥或穢辨其爲實爲虛而攻補之虛宜
十全大補湯加阿膠續斷以補而固之瘀宜
佛手散以補而行之

十全大補湯

佛手散

方俱見首卷

頭疼證治

產後頭疼面黃白無表無裏血虛疼惡露不行兼
腹痛必因瘀血上攻冲逐瘀芎歸湯最效虛用八
珍加蔓荊

註

產後頭疼若面色黃白無寒熱身痛之表證
又無便秘之裏證則是因產後去血過多血
虛頭痛也若惡露不行兼腹痛者乃屬瘀血

上攻之痛也去瘀以芎歸湯補虛以八珍湯

加蔓荊子

八珍湯 方見首卷

心胃痛證治

大巖蜜湯

心痛厥逆爪青白寒凝大巖蜜溫行四物去芎加
獨活薑桂茱萸草遠辛因食惡食多嘔吐麩麥香
砂入二陳大便燥結小便赤兼熱飲冷玉燭攻

註產後心胃痛若四肢厥逆爪甲青白乃風冷

寒凝氣血滯澁宜用大巖蜜湯溫以行之卽
生地當歸赤芍獨活乾薑桂心吳茱萸甘草
遠志細辛也若因飲食停滯中脘作痛必惡
食嘔吐宜二陳湯加神麩麥芽木香砂仁若
大便結硬小便赤澁渴欲飲冷者乃內有實
熱也宜玉燭散攻之

玉燭散

方見首卷

腹痛證治

香桂散

去血過多血虛痛去少壅瘀有餘疼傷食惡食多
脹悶寒入胞中見冷形血虛當歸建中治瘀壅失
笑有奇功傷食異功加查麴胞寒香桂桂歸芎

註產後腹痛若因去血過多而痛者爲血虛痛
若因惡露去少及瘀血壅滯而痛者爲有餘
疼若因傷食而痛者必惡食脹悶若因風寒
乘虛入於胞中作痛者必見冷痛形狀血虛
宜當歸建中湯血瘀宜失笑散傷食宜異功
散加山查神麴胞寒宜香桂散卽佛手散加

桂心也

當歸建中湯

失笑散

異功散 方俱見首卷

少腹痛證治

延胡索散

少腹痛微名兒枕硬痛尿利血瘀疼尿澁淋痛蓄
水證紅腫須防癩疝癰兒枕瘀血延胡散歸芍蒲
桂琥珀紅蓄水須用五苓散癩疝吳萸溫散行

註

產後少腹痛其痛若微乃產時血塊未淨名
兒枕痛若少腹堅硬小便利者爲瘀血痛少
腹硬而小便不利淋澁脹痛者乃蓄水作痛
若堅硬紅腫而痛者須防成癩疝癰之證因
兒枕瘀血者宜延胡索散卽當歸赤芍蒲黃
肉桂琥珀紅花也因水蓄者宜五苓散若將
成癩疝癰者當以吳茱萸湯溫散之

吳茱萸湯 方見首卷

五苓散 方見三卷

脇痛證治

脇痛瘀滯犯肝經左血右氣要分明血用延胡散
可治氣宜四君加柴青去血過多屬虛痛八珍加
桂補其榮

註

產後脇痛因氣血瘀滯干犯肝經在左多屬
血在右多屬氣血宜延胡索散氣宜四君子
湯加柴胡青皮若因去血過多而痛者爲虛
痛宜八珍湯加肉桂以補其榮血自愈

四君子湯

八珍湯 方俱見首卷

腰痛證治

腰疼下注兩股痛風冷停瘀滯在經佛手散加獨活桂續斷牛膝桑寄生血多三陰傷氣血地黃桂附續杜尋

註

產後腰疼下注兩股皆痛者乃產時風冷乘之瘀血滯於肝經宜用佛手散加獨活肉桂續斷牛膝防風桑寄生以溫散而行之若因去血過多三陰經氣血虧損者則常用六味

地黃湯加肉桂附子續斷杜仲以溫補之

佛手散

六味地黃湯

方俱見首卷

徧身疼痛證治

趁痛散

產後身疼榮不足若因客感表先形趁痛散用歸
耆朮牛膝甘獨薤桂心血瘀面唇多紫脹四物秦
芫桃沒紅

註

產後徧身疼痛多因去血過多榮血不足或

因風寒外客必有表證二者俱宜用趨痛散
卽當歸黃耆白朮牛膝甘草獨活薤白桂心
也若面唇紫色身脹痛者必是停瘀所致宜
用四物湯加秦艽桃仁沒藥紅花以行之

四物湯

方見首卷

腹中塊痛證治

產後積血塊冲疼多因新產冷風乘急服延胡散
可逐日久不散血癥成更有寒疝亦作痛吳萸溫
散不須攻

註
產後腹中有塊堅硬攻痛多因新產之後風
冷乘虛而入以致瘀血凝結宜服延胡索散
以逐之若遲久不散必結成血瘕矣又有寒
疝之證亦在少腹中攻築而痛此屬寒氣滯
澁宜用吳茱萸湯溫散其寒自愈不必攻也

吳茱萸湯

方見首卷

筋攣證治

產後筋攣雞爪風血虧液損復乘風無汗養榮兼
散邪四物柴瓜桂釣藤有汗八珍加桂枝黃耆阿

膠大補榮

註

產後筋脈拘攣疼痛不能舒展俗名雞爪風
皆由產後血液虧損不能榮筋又被風乘故
令拘攣疼痛也無汗者宜於養榮之中兼祛
外邪用四物湯加柴胡木瓜桂枝釣藤若有
汗者宜八珍湯加桂枝黃耆阿膠以大補其
榮血可也

四物湯

八珍湯

方俱見首卷

傷食嘔吐證治

產後傷食心下悶惡食嘈雜吞吐酸六君查麴香
砂共嘔逆痰涎二陳煎

註

產後過食肉麴傷於飲食者必心胸飽悶惡
聞食氣懊懜嘈雜吞酸吐酸宜用六君湯加
山查神麴香附縮砂以補而消之若更嘔逆
痰涎必是兼痰兼飲宜二陳湯加減調治

六君子湯

見首卷

二陳湯

見三卷

呃逆證治

丁香豆蔻散

茹橘飲

產後呃逆胃虛寒丁香白蔻伏龍肝桃仁吳萸湯
冲服不應急將參附添熱渴面紅小便赤竹茹乾
柿橘紅煎

註

產後呃逆皆因氣血兩傷脾胃虛寒中焦之

氣厥而不順所致宜服丁香豆蔻散即丁香

白豆蔻伏龍肝為末也用桃仁吳萸煎湯

冲服如不效當以參附湯峻補之若發熱而紅小便赤色屬熱實者宜用竹茹乾柿橘紅煎服之名茹橘飲

氣喘證治

二味參蘓飲

產後氣喘爲危候血脫氣散參附煎敗血上攻面紫黑二味參蘓奪命痊

註

產後氣喘極危證也因下血過多榮血暴竭衛氣無倚孤陽上越宜驟補其氣用參附煎

從復醫學宗金鑑 卷四十一
湯不時飲之若因惡露不行敗血上攻於肺
而喘者必面色紫黑宜奪命散下瘀瘀去喘
自定虛者參蘓飲卽人參一兩爲末蘓木二
兩煎湯冲服也

浮腫證治

枳朮湯

小調中湯

產後腫分氣水血輕浮脹滿氣之形水腫喘嗽小
便澀皮如熟李血之情氣腫枳朮湯最效水腫茯

苓導水靈血腫調中歸芍木茯陳煎冲小調經歸
芍珀麝辛桂沒理氣調榮瘀血行

註

產後浮腫由於敗血乘虛流入經絡血化爲
水故令浮腫然有氣腫水腫之別不可不辨
也若輕虛浮腫心胸脹滿者因素有水飲所
作名曰氣分也宜用枳朮湯卽枳實白朮煎
湯服之若喘嗽小便不利者則爲水腫宜茯
苓導水湯利之若皮如熟李或徧身青腫者
則爲血分宜小調中湯治之其方卽當歸白

芍藥白朮茯苓陳皮煎湯沖小調經散服之
卽當歸赤芍琥珀麝香細辛肉桂心沒藥也

茯苓導水湯 方見三卷

發熱總括

產後發熱不一端內傷飲食外風寒瘀血血虛與
勞力三朝蒸乳亦當然陰虛血脫陽外散攻補溫
涼細細參

註

產後發熱之故非止一端如食飲太過胸滿
嘔吐惡食者則爲傷食發熱若蚤起勞動感

受風寒則爲外感發熱若惡露不去瘀血停
留則爲瘀血發熱若去血過多陰血不足則
爲血虛發熱亦有因產時傷力勞乏發熱者
三日蒸乳發熱者當詳其有餘不足或攻或
補或用涼藥正治或用溫熱反治要在臨證

細細參考也

發熱證治

加味四物湯

加味異功散

生化湯

產後發熱多血傷大法四物加炮薑頭疼惡寒外
感熱四物柴胡葱白良嘔吐脹悶傷食氣異功查
麩厚朴薑脾不化食六君子瘀血腹痛生化湯當
歸川芎丹參共桃仁紅花炮乾薑

註

產後發熱多因陰血暴傷陽無所附大法宜

四物湯加炮薑從陰引陽爲正治若頭疼惡

寒而發熱者屬外感不當作傷寒治惟宜用

四物加柴胡葱白服之若嘔吐脹悶屬傷食

若倦怠氣乏者屬傷氣宜用異功散加山查
神麩厚朴生薑治之若因脾虛不能化食而
停食發熱者宜六君子湯若因瘀血發熱者
必兼腹痛宜用生化湯卽當歸川芎丹參桃
仁紅花薑炭也

六君子湯

異功散

四物湯

方俱見首卷

勞力發熱用十全氣血兩虛八珍痊血脫躁熱補

血效虛陽外越參附煎

註

產後發熱因產時用力勞乏者宜十全大補湯氣血兩虛者八珍湯去血過多血脫煩躁乾渴面赤而熱者宜當歸補血湯若陰血暴脫孤陽無附而外越發熱者急進參附湯遲則必大汗大喘是陽欲亡雖藥必無救矣

十全大補湯

八珍湯

當歸補血湯

方俱見首卷

寒熱總括

寒熱往來遞更換乍寒乍熱時熱寒寒熱似瘧按時發壯熱憎寒熱畏寒

註產後寒熱名既不同其證亦異當先明辨之

如曰寒熱往來者謂寒去熱來熱去寒來遞相更換也曰乍寒乍熱者謂有時寒有時熱寒熱無定時也曰寒熱似瘧者謂或先寒後熱或先熱後寒一定不移至其時而始作也曰壯熱憎寒者謂其身既壯熱而復時時畏

寒也

往來寒熱陰陽格時熱時寒榮衛乖寒熱似瘧瘵
兼食壯熱憎寒帶表推

註

產後血氣虛損陰陽不和則寒熱往來陰陽
相乘榮衛不調則時寒時熱敗血不散飲食
停滯則寒熱似瘧汗出遇風則壯熱憎寒有
諸內自形諸外辨之旣明然後治無不愈矣

寒熱證治

往來寒熱陰陽格柴胡四物各半湯榮衛不和乍

寒熱歸芍芎參甘草薑寒熱似瘧瘵兼食生化
胡查麴良憎寒壯熱更生散歸地芎參荆穗薑

註

產後陰陽不和往來寒熱者宜柴胡四物湯
若榮衛不調乍寒乍熱者用憎損四物湯其
方卽當歸白芍川芎人參甘草乾薑也若停
瘀兼食寒熱似瘧者用生化湯加柴胡山查
神麴若感受風寒憎寒壯熱者宜更生散卽
當歸熟地川芎人參荆芥穗乾薑也

柴胡四物湯

方見首卷

自汗頭汗總括

產後陰虛陽氣盛微微自汗却無妨頭汗陰虛陽
上越周身大汗是亡陽

註

產後血去過多則陰虛陰虛則陽盛若微微
自汗是榮衛調和故雖汗無妨若周身無汗
獨頭汗出者乃陰虛陽氣上越之象也若頭
身俱大汗不止則恐有亡陽之慮矣

自汗頭汗證治

當歸六黃湯

黃耆湯

虛熱上蒸頭汗出治用當歸六黃湯黃芩連蘖炒
黑用歸耆生熟二地黃自汗黃耆湯牡蠣耆朮苓
甘麥地防大汗不止陽外脫大劑參附可回陽

註

產後亡血陰虛陽熱上蒸頭上汗出至頸而
還者宜當歸六黃湯卽黃連黃芩黃蘖當歸
黃耆生地熟地也內苓連蘖三味俱炒黑用
若自汗太甚宜黃耆湯卽牡蠣粉黃耆白朮
茯苓甘草麥冬熟地防風也若陰血大脫孤

陽外越大汗不止非大劑參附不能回陽也

中風證治

產後中風惟大補火氣風痰末治之十全大補爲
主劑臨證詳參佐使宜

註

產後氣血大虛雖患中風惟宜大補卽有火
熱風痰氣閉亦當末治總以十全大補湯主
之臨證詳參其火氣風痰而佐使之

十全大補湯

方見首卷

瘧病證治

加味八珍湯

新產血虛多汗出易中風邪痙病成口噤項強身
反折八珍者附桂防風搖頭氣促寒不止兩手撮
空莫望生

註

產後血氣不足藏府皆虛多汗出腠理不密
風邪乘虛襲入遂成痙證手三陽之筋結於
頷頰風入頷頰則口噤陰陽經絡周環於身
風中經絡則頭項肩背強直如角弓反張之
狀產後患此皆屬虛象惟宜用八珍湯加黃

者附子肉桂大補其陰陽少佐防風以治之
若見頭搖喘促汗出不止兩手撮空者則爲
真氣去邪氣獨留必死之候故曰莫望生也

八珍湯

方見首卷

瘈瘲抽搐證治

加味八珍湯

陰血去多陽氣熾筋無所養致抽搐發熱惡寒煩
又渴八珍丹地鈞藤鈎抽搐無力戴眼折大汗不
止命將休

註
產後血去太多陽氣熾盛筋無所養必致
瘈抽搐發熱惡寒心煩口渴不宜作風治
惟當氣血兼補用八珍湯加丹皮生地鈞藤鈞
治之若無力抽搐戴眼反折大汗不止者則
爲不治之證故曰命將休也

八珍湯 方見首卷

不語證治

加味八珍湯

星連二陳湯

七珍散

產後不語分虛實痰熱乘心敗血衝氣血兩虛神
鬱胃實少虛多要辨明虛用八珍籐菖志痰熱星
連入二陳敗血衝心七珍散芎地辛防硃蒲參

註

產後不語須分虛實治之有痰熱乘心者有
敗血衝心者有氣血兩虛而鬱胃神昏者大
抵產後屬虛者多而實者少也虛宜八珍湯
加鈞藤菖蒲遠志痰熱宜二陳湯加膽星黃
連敗血衝心宜七珍散卽川芎生地細辛防

風硃砂菖蒲人參也

八珍湯 方見首卷

二陳湯 方見三卷

一、刺馬
大良三卷

八、狂馬
大良三卷

瓜刺馬
大良三卷

御纂醫宗金鑑卷四十八

編輯婦科心法要訣目錄

驚悸恍惚證治

茯神散

加味歸脾湯

妄言見鬼發狂證治

妙香散

小調經散

虛煩證治

人參當歸湯

當歸補血湯

失笑散

發渴證治

參麥飲

加味四物湯

竹葉歸耆湯

四物湯

欬嗽證治

旋覆花湯

麥味地黄湯

加味佛手散

六味地黄湯

衄血證治

人參澤蘭葉湯

痢證總括

痢疾證治

槐連四物湯

芍藥湯

真人養藏湯

四物湯

十全大補湯

人參敗毒散

香連丸

加味四物湯

四物湯

瘧疾

加味生化湯

加味二陳湯

藿香正氣湯

生化湯

二陳湯

葶勞虛羸總括

葶勞虛羸證治

三合散

六君子湯

八珍湯

十全大補湯

益氣養勞湯

血崩

加味十全大補湯

加味逍遙散

十全大補湯

逍遙散

佛手散

失笑散

大便秘結

小便淋閉

加味四物湯

四物湯

小便頻數不禁淋瀝

黃耆當歸散

加味地黃湯

補中益氣湯

六味地黃湯

大便出血

加味芩連四物湯

芩連四物湯

歸脾湯

補中益氣湯

敗血成癰

加味生化湯

生化湯

產後虛實宜審

御纂醫宗金鑑卷四十八

編輯婦科心法要訣

驚悸恍惚證治

茯神散

加味歸脾湯

產後血虛心氣弱驚悸恍惚不安寧養心須用茯
神散參耆地芍桂茯神琥珀龍齒歸牛膝憂思歸
脾砂齒靈

註
產後血虛心氣不守神志怯弱故令驚悸恍

惚不寧也宜用茯神散其方乃人參黃耆熟地白芍桂心茯神琥珀龍齒當歸牛膝也若因憂愁思慮傷心脾者宜歸脾湯加硃砂龍齒治之

歸脾湯 方見首卷

妄言見鬼發狂證治

妙香散

產後譫狂見鬼神敗血冲心小調經心虛悶亂妙香散二茯參耆遠志辰甘桂木麝山藥末歸地煎

調效若神

註

產後敗血冲心狂亂見鬼譫言妄語者宜服
小調經散若因心血虛神不守舍而悶亂者
則用妙香散卽茯苓神人參黃耆遠志辰
砂甘草桔梗木香麝香山藥爲散以當歸熟
地煎湯調服卽愈其效如神

虛煩證治

人參當歸湯

產後血虛煩短氣人參當歸湯最良參麥歸芍熟

地桂瘀血衝心失笑方去血過多煩躁甚須用當歸補血湯

註

產後血虛心煩短氣者宜人參當歸湯卽人參麥冬當歸白芍熟地肉桂也若因敗血冲心者宜服失笑散若去血過多煩而躁者乃亡血證也宜當歸補血湯

當歸補血湯

失笑散

方俱見首卷

發渴證治

參麥飲

加味四物湯

竹葉歸耆湯

氣虛津短參麥飲血虛四物粉麥煎渴甚竹葉歸耆效參朮歸耆竹葉甘

註

產後氣虛津液不足而渴者宜參麥飲卽人參麥冬五味子也血虛而渴者宜四物湯加花粉麥冬若渴甚不解者用竹葉歸耆湯其方乃人參白朮當歸黃耆竹葉甘草煎服也

四物湯 方見首卷

欬嗽證治

旋覆花湯

麥味地黃湯

加味佛手散

產後欬嗽感風寒旋覆花湯荆穗前麻杏半苓赤芍藥五味甘草棗薑煎虛火上炎冲肺嗽麥味六黃滋化源瘀血入肺佛手散加入桃紅杏貝延

註 產後欬嗽若因起動太蚤感冒風寒者用旋

覆花湯卽荆芥穗前胡麻黃杏仁半夏茯苓
赤芍藥五味子甘草旋覆棗薑也若因陰虛
火炎上爍肺金而嗽者宜六味地黃加麥冬
五味子名麥味地黃湯滋其化源若因瘀血
上冲入肺而嗽者宜佛手散加桃仁紅花杏
仁川貝母延胡索以破其瘀其嗽自愈

六味地黃湯

佛手散

方俱見首卷

衄血證治

人參澤蘭葉湯

產後口鼻黑而衄胃絕肺敗藥難醫參蘭丹膝生
熟地童便多冲冀萬一

註

產後惡露不下虛火載血上行溢出鼻竅不
循經脈變黑色見於口鼻爲熱極反兼水化
故曰胃絕肺敗藥難醫也或用人參澤蘭葉
湯卽人參澤蘭葉丹皮牛膝生地熟地煎湯
多冲童便飲之間有得生者然亦希冀於萬
一者耳

痢證總括

產後痢名產子痢飲食生冷暑寒干裏急後重有餘病日久滑脫不足者赤黃稠黏多是熱清澈鴨塘定屬寒寒熱溫清調補澁虛實新久要詳參

註

產後痢者名產子痢多因飲食不調貪食生冷或起居不慎衝寒受暑所致若腹中疴痛裏急後重者屬有餘之證若日久虛寒滑脫者屬不足之證痢色黃赤稠黏多屬於熱清稀澄澈如鴨糞者則屬於寒治之之法熱者

清之寒者溫之冷熱不和者調之虛者補之
實者瀉之虛實新久之間宜細心詳參也

痢疾證治

槐連四物湯

芍藥湯

真人養藏湯

熱痢槐連四物效冷熱有餘芍藥湯芍藥芩連歸
木草枳桂墜枳痛大黃虛寒滑脫參朮桂芍藥訶
菟廣木香甘草粟殼名養藏日久十全大補良

言熱者清之故熱痢宜槐連四物湯即四物湯
加槐花黃連以清熱而堅腸也冷熱不和者
調之故宜芍藥湯即白芍藥黃芩黃連當歸
木香甘草肉桂枳榔墜者倍加枳榔痛加生
大黃也若虛寒滑脫則宜溫補而固澁之宜
真人養藏湯即人參白朮白芍藥肉桂肉豆
蔻訶子木香甘草罌粟殼同煎服也若日久
不止氣血大虛宜十全大補湯補之

四物湯

十全大補湯

方俱見首卷

人參敗毒散

香連丸

加味四物湯

有表痢用敗毒散羌獨枳梗共柴前參苓芍草薑
葱引暑濕成痢用香連血滲大腸成血痢四物膠
榆餘鯁添

註

外感風寒成痢者宜人參敗毒散卽羌活獨
活枳殼桔梗柴胡前胡人參茯苓川芎甘草

薑葱引也若因暑濕致痢宜香連丸卽黃連木香爲丸也若敗血滲入大腸成血痢者宜四物加阿膠地榆血餘烏鰂魚骨服之

四物湯

方見首卷

瘧疾

加味生化湯

加味二陳湯

藿香正氣湯

產後瘧多因瘀血榮衛不和熱又寒生化湯中加

柴甲痰食二陳查朴添外感不正正氣散陳半苓
木蘇朴甘腹皮桔梗藿香芷引加薑棗一同煎

註

產後患瘧多因瘀血停留榮衛不和故寒熱
往來也宜用生化湯加柴胡鱉甲服之若因
痰飲食積者宜二陳湯加山查厚朴若果外
感風寒方可用藿香正氣散治之其方卽陳
皮半夏茯苓白朮蘇葉厚朴甘草大腹皮桔
梗藿香白芷也

二陳湯

方見三卷

蓐勞虛羸總括

產後失調氣血弱風寒外客內停瘀飲食過傷兼
勞怒不足之中挾有餘寒熱往來臍腹痛懶食多
眠頭暈迷骨蒸盜汗痰嗽喘面黃肌瘦力難支蓐
勞先須調脾胃後調榮衛補其虛

註

產後氣血兩虛起居不慎風寒外襲瘀血內
停更或飲食厚味過傷憂勞忿怒乃不足之
中挾有餘之證致生寒熱往來臍腹脹痛懶
進飲食喜眠卧起則頭暈昏迷骨蒸潮熱盜

汗自汗痰喘咳嗽面色萎黃肌肉削瘦氣力
難支名爲蓐勞醫治甚難凡欲療斯疾者必
當先調理其脾胃使飲食強健能勝藥力然
後調其榮衛補其虛損始能痊愈

蓐勞虛羸證治

三合散

扶脾益胃六君子穀化精微氣血強能食漸覺精
神爽調衛和榮三合良八珍去朮小柴共隨證加
減效非常病退虛羸補氣血八珍十補養榮方

註
產後蓐勞治法當先扶脾益胃宜六君子湯
加減用之使脾胃強壯能食能消則後天水
穀之氣化生精微氣血自然壯盛精神自然
漸爽然後調其衛氣和其榮血宜三合散卽
八珍湯去白朮加小柴胡湯乃人參柴胡黃
芩半夏甘草也隨證加減治之如寒熱往來
臍腹脹痛則去人參黃芩生地加延胡桃仁
如懶食喜睡頭眩則去柴胡加黃耆縮砂陳
皮如骨蒸盜汗自汗則去川芎柴胡加鱉甲

地骨皮牡蠣如痰喘咳嗽則去人參柴胡加
麥冬川貝母百合如面黃肌瘦乏力則去柴
胡川芎加黃耆倍用人參臨證消息之服後
如諸證已痊惟覺虛羸者則以八珍十全養
榮等方培補之

六君子湯

八珍湯

十全大補湯

益氣養榮湯

方俱見首卷

血崩

加味十全大補湯

加味逍遙散

產後亡血更血崩血脫氣陷病非輕十全大補膠
升續棗仁山萸薑炭尋若因暴怒傷肝氣逍遙梔
地白茅根瘀停少腹多脹痛佛手失笑效如神

註

產後陰血已亡更患崩證則是血脫氣陷其
病非輕當峻補之宜用十全大補湯加阿膠
升麻續斷棗仁山萸炮薑炭以升補其脫陷

可也若因暴怒傷肝血妄行者宜逍遙散加
黑梔生地白茅根以清之若因內有停瘀者
必多小腹脹痛當用佛手散失笑散以補而
逐之

十全大補湯

逍遙散

佛手散

失笑散

方俱見首卷

大便秘結

產後去血亡津液胃燥腸枯大便難飲食如常無
所苦不須妄下損真元量其虛實通利導血旺津
回聽自然

註

產後去血過傷其津液多致胃燥腸枯故令
大便秘結若飲食如常無脹滿之苦者不宜
輕下反傷元氣惟宜量其虛實用諸導法待
血旺津回大便自然順利也

小便淋閉

加味四物湯

產後淋閉腹脹痛熱邪挾血滲胞中四物蒲瞿桃
仁膝滑石甘草木香通

註

產後熱邪挾瘀血流滲胞中多令小便淋閉
宜四物湯加蒲黃瞿麥桃仁牛膝滑石甘草

稍木香木通治之

四物湯

方見首卷

小便頻數不禁淋瀝

黃耆當歸散

加味地黃湯

產後小便數且白腎虛不固自遺尿因產傷胞多
淋瀝頻數補中益氣宜胞傷黃耆當歸治參耆朮
芍草當歸不禁六味加桂附益智蠔蛸補骨脂

註

產後氣虛下陷多令小便頻數而色白腎虛
不固小便自遺因產時穩婆不慎傷其胞脬
多致小便淋瀝氣虛頻數者宜補中益氣湯
升舉之傷胞淋瀝者宜黃耆當歸散補之其
方卽黃耆當歸人參白朮白芍甘草也引用
豬草胞同煮服腎虛遺尿不禁者宜六味地

黃湯加肉桂附子名桂附地黃湯更加益智
仁桑螵蛸補骨脂治之

補中益氣湯

六味地黃湯 方俱見首卷

大便出血

加味芩連四物湯

產後便血大腸熱四物芩連酒炒黑地榆阿膠荆
穗炒蜜製升麻棕櫚灰脾虛不攝歸脾效氣虛下

陷補中宜

註

產後大便出血有因大腸經熱者宜芩連四物湯黃芩黃連俱酒炒黑用更加地榆阿膠荆芥穗微炒蜜製升麻棕櫚皮灰治之若因脾虛不能攝血者宜歸脾湯中氣下陷者補

中益氣湯

芩連四物湯

歸脾湯

補中益氣湯

方俱見首卷

敗血成癰

加味生化湯

榮氣不從逆肉理敗血留內發癰疽只用生化加
連翹銀花甘草乳沒宜切勿敗毒施過劑致令潰
腐必難醫

註

產後氣血兩虛榮氣不從逆于肉理或敗血
留內結成癰疽者只宜用生化湯加連翹金
銀花甘草節乳香沒藥治之切不可用寒涼
敗毒之藥恐潰後腐爛必難醫治

產後虛實宜審

震亨產後惟大補從政莫作不足看二說須合形
證鯀攻補虛實仔細參

註

朱震亨云產後氣血兩虛惟宜大補雖有他
證以未治之張從政云產後慎不可作諸虛
不足治之二說各有偏處當合形證鯀三者
細參方不致誤

產後門彙方

開骨散

當歸 五錢

龜板 三錢

醋炙研

川芎 二錢

婦人髮 一團

水煎服

奪命散

沒藥

血竭 各等分

右研爲細末纔產下便用童便細酒各半盃
煎一兩沸調下二錢良久再服其惡血自下
行便不衝上免生百疾

清魂散

澤蘭葉

人參 各二錢

川芎 五錢

荆芥穗 一兩

甘草 二錢
炙

右為末用溫酒熱湯各半盃調一錢灌之下
咽眼即開氣定即醒

大巖蜜湯

當歸

熟地

白芍 各二錢

乾薑

肉桂 各一錢

吳茱萸

獨活

遠志
炙

細辛

甘草 各八分

右水煎服

香桂散

當歸

肉桂

川芎 各等分

右為末酒調服

延胡索散

當歸

赤芍

生蒲黃

桂心

琥珀

紅花

延胡索 各等分

右以好醋浸一宿焙乾為末每服二錢酒調

越痛散

當歸

官桂

白朮

黃耆

獨活

牛膝

生薑 各五錢

甘草 炙

薤白 各三錢半

桑寄生 五錢

右咬咀每服五錢水煎服

丁香豆蔻散

公丁香

白豆蔻仁

伏龍肝 各等分

右爲末生薑湯點服

茹橘飲

竹茹

橘紅 各三錢

乾柿 一枚

水薑煎服

參附湯

人參 一兩

附子 五錢
炮

右作一服薑棗水煎徐徐服

去人參加黃耆名耆附湯

二味參蘓飲

人參 一兩
為末

蘓木 二兩

右以蘓木煎湯冲人參末服

枳朮湯

枳實 二兩
炒

白朮 二兩
土炒

水薑煎服

小調中湯

茯苓

當歸

白芍

陳皮 各一錢

白朮 一錢五分

右作一劑煎湯服

小調經散

白芍

當歸

沒藥

琥珀

桂心 各一錢

細辛

麝香 各五分

右爲細末每服五分薑汁温酒各少許調服

更生散

當歸

生地

川芎

人參 各二錢

荆芥穗 三錢

乾薑 八分

水煎服

當歸六黃湯

當歸

熟地 自製

黃耆 各二錢
炙

生地

黃蘗 炒黑

黃芩 炒黑

黃連 各一錢
炒黑

右水煎服

黃耆湯

黃耆 三錢
炙

牡蠣粉 二錢

白朮 二錢
土炒

茯苓 一錢

麥冬 二錢

熟地 三錢

防風 一錢

甘草 七分

右加浮小麥一合煎服

七珍散

人參

石菖蒲

生地

川芎 各一兩

細辛 一錢

防風

辰砂 各五錢
另研

右為細末每服一錢薄荷煎湯調服

茯神散

茯苓 一兩 去木

人參

黃耆 炙

赤芍

牛膝

琥珀

龍齒 各一錢五分 研

生地 一兩五錢

桂心 五錢

當歸 二兩

右爲末每服三錢水煎服

妙香散

甘草 五錢 炒

遠志 製去心

山藥 薑汁炙

茯苓

茯神
去木

黃耆
各一兩

人參

桔梗
各五錢

辰砂
三錢 另研

麝香
二錢 另研

木香
一錢五分

右為細末每服二錢當歸熟地煎湯調下

參麥飲

人參

麥冬

右水煎服

人參當歸湯

人參

當歸

熟地

麥冬

白芍 各二錢

五味子 三分

桂枝 一錢

右剉水煎服

竹葉歸耆湯

人參

白朮 土炒

當歸

黃耆 各二錢

竹葉 二十片

甘草 五分

右剉水煎服

旋覆花湯

旋覆花

赤芍藥

荆芥穗

半夏麩

前胡

甘草
炙

茯苓

五味子

杏仁

去皮尖麩炒

麻黃

各等分

右咬咀每服四錢水一盞半生薑三片棗一枚煎至七分去滓食前溫服有汗不宜用

人參澤蘭葉湯

人參 五錢

澤蘭葉

丹皮

牛膝 各二錢

生地 三錢

熟地 五錢

藕節五枚煎冲童便服

槐連四物湯

當歸

川芎

赤芍藥

生地

槐花

黃連 各一錢
炒

御米殼 五分
去蒂蜜炙

右剉水煎服

芍藥湯

芍藥 炒

當歸

黃連 各半兩
炒

檳榔

木香

甘草 各二錢
炙

桂 二錢五分

黃芩 三錢
炒

右每服半兩水煎如不減加大黃此證又有
因中氣虛弱脾氣鬱結者治當審察

真人養藏湯

人參

白朮

白芍藥 各二錢

肉桂

肉苳蔻

訶子 各一錢
煨

木香

甘草

罌粟殼 各八分

右剉薑棗煎服

人參敗毒散

羌活

獨活

柴胡

前胡 各一錢五分

枳殼

桔梗

人參

茯苓 各一錢

川芎 八分

甘草 五分

右剉薑葱煎服

香連丸

黃連 十二兩
淨

吳茱萸 十兩
去枝梗

右先將二味用熱水拌和入磁器內置熱湯
炖一日同炒至黃連紫黃色去茱萸用連為末

每末四兩入木香末一兩淡醋米飲爲丸梧
桐子大每服二三十九滾湯下久痢中氣下
陷者用補中益氣湯下中氣虛者用四君子
下中氣虛寒者加薑桂

藿香正氣散

藿香 一錢五分

桔梗

大腹皮

紫蘓

茯苓

白朮

炒

白芷

半夏麴

陳皮

厚朴 各一錢

甘草 五分

右剉加薑棗水煎服

三合散

當歸

白芍

茯苓

熟地 各一兩

柴胡

人參 各一兩五錢

黃芩

半夏 製

甘草 各六錢

川芎 一兩

右為粗末每服一兩水一鍾半煎服日三
黃耆當歸散

人參

白朮

上炒

黃耆

當歸

白芍 各三錢

甘草 八分

右剉薑棗水煎服

桂附地黃湯

熟地 四錢

山萸肉

山藥 各二錢

丹皮

澤瀉

茯苓 各一錢五分

附子

製

肉桂 各一錢

右剉水煎服

圓生丹

錦紋大黃

一劬為末

蘇木

三兩碗煎汁

三打碎用河水五碗聽用

大黑豆

三升熟去豆

水浸取殼用絹袋盛殼同豆煮不用將殼晒乾其汁留用

紅花

三兩渣取汁聽用

炒黃色入好酒四碗煎三五滾去

米醋

九劬陳者佳

將大黃末一劬入淨鍋下米醋三劬文火熬

之以長木筋不住手攪之成膏再加醋三觔
 熬之又加醋三觔次第加畢然後下黑豆汁
 三碗再熬次下蘓木汁次下紅花汁熬成大
 黃膏取入瓦盆盛之大黃鍋粬亦鏟下入後
 藥同磨

人參

當歸

酒洗

川芎

酒洗

香附

醋炒

延胡索

酒炒

蒼朮

米泔浸炒

蒲黃

隔紙炒

茯苓

桃仁 各一兩
去皮尖油

川牛膝 五錢
酒洗

甘草 炙

地榆 酒洗

川羌活

廣橘紅

白芍 各五錢
酒炒

木瓜

青皮 各三錢
去穰炒

乳香

沒藥 各二錢

益母草 二三兩

木香 四錢

白朮 三錢
米泔浸炒

烏藥 二兩五錢
去皮

良薑 四錢

馬鞭草 五錢

秋葵子 二三錢

熟地

一兩酒浸九次
蒸曬如法製就

三稜

五錢
醋浸透

紙裹煨

五靈脂

五錢
化焙乾

研細
醋煮

山萸肉

五錢
酒浸

蒸搗

右三十味并前黑豆殼共晒為末入石臼內

下大黃膏拌勻再下煉熟蜜一筋共搗千杵

取起為丸每丸重二錢七八分靜室陰乾須

二十餘日不可日晒不可火烘乾後只重二

錢有零鑠蠟護之即蠟丸也用時去蠟殼調

服

御纂醫宗金鑑卷四十九

編輯婦科心法要訣目錄

乳證門

乳汁不行證治

加味四物湯

湧泉散

乳汁自湧證治

兔懷散

麥芽煎

乳癰吹乳乳巖妬乳乳懸總括

乳癰證治

消毒飲

加味消毒飲

益氣養榮湯

吹乳證治

栝萸散

外敷法

乳巖證治

十六味流氣飲

青皮甘草散

十全大補湯

八珍湯

歸脾湯

妬乳乳懸證治

鹿角散

連翹散

芎歸飲

前陰諸證門

陰腫證治

龍膽湯

薰洗法

騰熨法

陰痛證治

加味逍遙散

乳香四物敷法

逍遙散

四物湯

陰癢證治

桃仁雄黃膏

逍遙散

龍膽瀉肝湯

陰挺證治

蛇床洗法

藜蘆敷法

逍遙散

龍膽瀉肝湯

陰瘡證治

加味四物湯

四物湯

加味逍遙散

補中益氣湯

陰痔證治

烏頭薰法

逍遙散

歸脾湯

補中益氣湯

陰冷證治

溫中坐藥

桂附地黄丸

陰吹證治

膏髮煎

十全大補湯

交接出血證治

加味歸脾湯

桂心釜墨散

雜證門

熱入血室

加味小柴胡湯

刺期門法

清熱行血湯

血分水滲總括

血分證治

加味小調經散

水分證治

茯苓導水丸

夢與鬼交證治

加味歸脾湯

歸脾湯

梅核氣證治

半夏厚樸湯

血風瘡證治

加味逍遙散

益氣養榮湯

臙瘡證治

桂附地黄丸

人參敗毒散

補中益氣湯

六味地黄丸

足跟痛證治

六味地黄丸

八珍湯

八

御纂醫宗金鑑卷四十九

編輯婦科心法要訣

乳證門

乳汁不行證治

加味四物湯

產後血虛乳汁少四物花粉不留行木通豬蹄湯
熬服葱白煎湯乳房淋

註

產後乳汁不行因去血過多血少不行者宜
四物湯加花粉王不留行木通豬蹄熬湯煎

藥服外用葱白煎湯時時淋洗乳房以通其

氣

湧泉散

氣脈壅塞乳脹痛湧泉散用白丁香王不留行天

花粉漏蘆蘊蠶豬蹄湯

註

產後乳汁不行因瘀血停留氣脈壅滯者其

乳必脹痛宜用湧泉散即白丁香王不留行

花粉漏蘆蘊蠶豬蹄湯煎服也

乳汁自湧證治

兔懷散

麥芽煎

產後乳汁暴湧出十全大補倍參者食少乳多欲
迴乳兔懷紅花歸芎朮無兒食乳乳欲斷炒麥芽
湯頻服宜

註

產後乳汁暴湧不止者乃氣血大虛宜十全
大補湯倍用人參黃耆若食少乳多欲迴其
乳者宜兔懷散卽紅花歸尾赤芍牛膝也若
無兒食乳欲斷乳者用麥芽炒熟熬湯作茶

飲之

乳證總括

乳房忽然紅腫痛往來寒熱乳癰成乳被兒吹因
結核堅硬不通吹乳名初起結核不腫痛年深內
潰乳巖凶乳頭生瘡名妬乳細長垂痛乳懸稱

註

婦人乳房忽然紅腫堅硬疼痛增寒壯熱頭
痛者此欲成乳癰也若乳兒之時乳被兒口
中氣吹以致乳管不通結核者名曰吹乳更
有乳內結核如圍棋子不腫不痛但堅硬不

散日久內潰者謂之乳巖其證甚凶若乳頭
生小細瘡痛者爲妬乳若瘀血上攻乳房忽
然細小下垂長過於腹此名乳懸惟產後有
之

乳癰證治

消毒飲

乳癰初起消毒飲青芷歸柴浙貝蠶花粉艮花甘
草節寒熱荆防羌獨添膿成皂刺穿山甲潰後益
氣養榮煎

註

乳癰乃陽明厥陰二經風熱壅盛初起宜服
消毒飲卽青皮白芷當歸柴胡浙貝母僵蠶
花粉金銀花甘草節也若兼增寒壯熱者加
荆芥防風羌活獨活以解散之若服後不消
其膿已成者宜加皂角刺穿山甲以穿發之
若潰後氣血虛者宜益氣養榮湯培補之他
如潰久膿清不斂又須急服大劑參耆桂附
矣

益氣養榮湯

方見前首卷彙方內

吹乳證治

栝萋散

外敷法

吹乳結核栝萋散乳沒歸甘用酒熬更加皂刺名
立效已成膿潰未成消外敷星夏蠶芷刺草烏爲
末蜜葱調

註

吹乳結核不散者當早消之久則成癰宜用
栝萋散卽栝萋實乳香沒藥當歸甘草酒熬
服也若服後不散者加皂角刺名立效散膿

成者潰未成者消外用南星半夏殭蠶白芷
皂角刺草烏爲末用葱汁合蜜調敷

乳巖證治

十六味流氣飲

青皮甘草散

乳巖鬱怒損肝脾流氣飲歸芍參耆芎防蘇芷枳
桔草檳榔烏樸桂通隨外熨木香生地餅青皮甘
草服無時潰後不愈須培補十全八珍或歸脾

註

乳巖之證初起結核如圍棋子大不痛不癢

五七年或十餘年從內潰破嵌空玲瓏洞竅

深陷有如山巖故名乳巖皆緣抑鬱不舒或

性急多怒傷損肝脾所致宜速服十六味流

氣飲其方卽當歸白芍人參黃耆川芎防風

蘇葉白芷枳殼桔梗甘草檳榔烏藥厚樸官

桂木通外以木香生地搗餅以熱器熨之且

不時以青皮甘草爲末煎濃薑湯調服戒七

情遠葷味解開鬱怒方始能愈若潰後久不

愈惟宜培補其氣血或十全大補湯八珍湯

歸脾湯選用之

十全大補湯

八珍湯

歸脾湯 方俱見首卷

妬乳乳懸證治

鹿角散

連翹散

妬乳甘草鹿角散雞子黃調炙敷之連翹散防升

元芍斂射消黃甘杏宜瘀血上攻乳懸證芍歸湯

飲更薰鼻不應草麻貼頂上乳收卽去莫遲遲

註

乳頭生瘡謂之妬乳宜鹿角散敷之卽鹿角
甘草爲末雞子黃調銅器內炙敷之內服連
翹散卽防風升麻元參白芍白斂射干芒消
大黃甘草杏仁也若產後瘀血上攻兩乳細
長下垂過腹者謂之乳懸宜濃煎芎歸湯不
時飲之以其餘藥薰鼻則瘀散乳卽上升如
不上者更以草麻仁搗貼頂心收卽去之

芎歸飲

卽佛手散方見首卷

乳證門彙方

消毒飲

青皮

白芷

當歸

柴胡

浙貝母

殭蠶

花粉

金銀花

甘草節

各等分

右剉水煎服

栝蒌散

栝萋

乳香

沒藥

當歸

甘草

各等分

右為末酒煎服

加皂角刺名立効散

十六味流氣飲

當歸

白芍

人參

黃耆

各二錢

川芎

防風

蘇葉

白芷

枳殼

桔梗 各一錢

甘草

檳榔 各五分

烏藥

厚樸

官桂

木通 各八分

右剉每服五錢水煎服

青皮甘草散

青皮

甘草 各一錢

右為末煎濃薑湯調服

鹿角散

鹿角

甘草 各等分

右爲末雞子黃調銅器內炙敷之

連翹散

防風

元參 各二錢

白歛

芒消

大黃

射干 各一錢

升麻 五分

白芍 一錢

甘草 五分

杏仁 二十粒

右剉薑水煎服

加味四物湯

當歸

白芍

熟地

川芎

花粉

王不留行炒

木通 各二錢

右豬蹄熬湯煎藥服

湧泉散

白丁香

王不留行

花粉

漏蘆 各一錢

右豬蹄湯煎服

兔懷散

紅花

赤芍

歸尾

牛膝

各二錢

右剉水煎服

麥芽煎

麥芽

三兩

右一味水煎作茶飲

前陰諸證門

陰腫證治

龍膽瀉肝湯

薰洗法

騰熨法

婦人疝瘕兩拘痛玉門腫脹墜而疼濕熱龍膽瀉
肝治導赤車前澤瀉芩當歸梔子龍膽草氣虛下
陷補中升艾防大戟熬湯洗枳實陳皮炒熱騰

註

婦人子戶腫脹墜痛及兩拘疼痛者謂之疝

疝乃肝心二經火盛濕熱下流所致宜服龍
膽瀉肝湯其方卽導赤散生地木通甘草再
加車前子澤瀉黃芩當歸黑梔子龍膽草也
若因中氣素虛下陷重墜者用補中益氣湯
以升舉之外用蘄艾防風大戟熬湯薰洗更
以枳實陳皮二味爲末炒熱騰之其腫自消
而痛自定也

陰痛證治

加味逍遙散

乳香四物敷法

陰中痛名小戶嫁痛極手足不能舒內服加味道逍
遙散四物乳香搗餅敷

註

婦人陰中作痛名小戶嫁痛痛極往往手足
不能伸舒由鬱熱傷損肝脾濕熱下注所致
宜內服逍遙散加丹皮梔子外以四物湯料
合乳香搗餅納陰中其痛即定

逍遙散

四物湯

俱見首卷

陰癢證治

桃仁雄黃膏

濕熱生蟲陰戶癢內服逍遙龍膽方桃仁膏合雄黃末雞肝切片納中央

註

婦人陰癢多因濕熱生蟲甚則肢體倦怠小便淋漓宜服逍遙散龍膽瀉肝湯外以桃仁研膏合雄黃末雞肝切片醮藥納戶中其蟲一聞肝腥皆鑽肝內吮食將肝提出其病即愈

逍遙散

方見首卷

龍膽瀉肝湯

方見前
陰腫條

陰挺證治

蛇床洗法

藜蘆敷法

陰挺下脫卽癩疝突物如蛇或如菌濕熱腫痛溺
赤數氣虛重墜便長清氣虛補中青梔入濕熱龍
膽瀉肝尋外熬蛇床烏梅洗豬油藜蘆敷自升

註

婦人陰挺或因胞絡傷損或因分娩用力太

過或因氣虛下陷濕熱下注陰中突出一物如蛇或如菌如雞冠者即古之癩疔類也屬熱者必腫痛小便赤數宜龍膽瀉肝湯屬虛者必重墜小便清長宜補中益氣湯加青皮梔子外用蛇床子烏梅熬水薰洗之更以豬油調藜蘆末敷之無不愈者

逍遙散

方見首卷

龍膽瀉肝湯

方見前
陰腫條

陰瘡證治

加味四物湯

蠶蝕成瘡濃水淋時疼時癢若蟲行少腹脹悶溺
赤瀉食少體倦晡熱蒸四物柴梔丹膽草潰腐道
遙墜補中

註

婦人陰瘡名曰匿由七情鬱火傷損肝脾氣
血凝滯濕熱下注久而蟲生蟲蝕成瘡濃水
淋漓時疼時癢有若蟲行少腹脹悶溺赤頻
數食少體倦內熱晡熱經候不調赤白帶下
種種證見宜分治之腫痛者用四物湯加柴

胡梔子龍膽草若潰爛出水而痛者用加味

逍遙散若重墜者用補中益氣湯

加味逍遙散

方見前
陰痛條

四物湯

補中益氣湯

方俱見首卷

陰痔證治

烏頭薰法

陰中突肉名陰痔或名茄子疾俗稱黃水易治白
難治烏頭存性醋熬薰內服逍遙與龍膽補中歸

脾酌量行

註

婦人陰中有肉突出者名曰陰痔俗稱茄子疾也流黃水者易治流白水者難治用烏頭燒存性礮醋熬薰內服逍遙散補中益氣湯歸脾湯量其虛實酌而行之

逍遙散

歸脾湯

補中益氣湯

方俱見首卷

陰冷證治

溫中坐藥

陰冷風寒客子臟桂附地黄丸最宜遠志乾薑蛇床子吳萸爲末裹納之

註婦人陰冷皆由風寒乘虛客於子臟久之血

凝氣滯多變他證且艱於受孕宜多服桂附地黄丸外以遠志乾薑蛇床子吳萸研細綿裹納陰中日二易

桂附地黄丸

方見首卷

陰吹證治

膏髮煎

胃氣下泄陰吹喧金匱方用膏髮煎豬膏亂髮同煎服導從溺去法通元氣虛下陷大補治升提下陷升柴添

註

婦人陰吹者陰中時時氣出有聲如穀道轉矢氣狀金匱謂由穀氣實胃氣下泄用膏髮煎卽豬膏煎亂髮服也導病從小便而出其法甚奧若氣血大虛中氣下陷者宜十全大補湯加升麻柴胡以升提之

十全大補湯

方見首卷

交接出血證治

加味歸脾湯

桂心釜墨散

交接出血傷心脾伏龍肝末入歸脾千金桂心釜底墨酒服方寸匕相宜

註

婦人每交接輒出血者由傷損心脾二經也

宜用歸脾湯加伏龍肝煎服或用千金方中

桂心釜底墨二味為末酒沖服方寸匕自愈

前陰諸證門彙方

龍膽瀉肝湯

生地 二錢

木通

車前子

各一錢五分

澤瀉

黃芩

各二錢

當歸

二錢

黑梔仁

龍膽草

各一錢

生甘草

五分

右燈草一團水煎服

洗方

防風 三錢

蘄艾 一團

大戟 一錢

右熬湯薰洗

騰方

枳實

廣皮 各等分

右為末炒熱騰之

敷方

四物湯 一料

乳香 一錢

右搗餅納戶中其痛即定

桃仁雄黃膏

桃仁

五錢
研膏

雄黃

三錢
末

右二味研勻用雞肫肝切片蘸藥納戶中其
蟲卽鑽入肝而癢自止

陰挺洗法

蛇床子

五錢

烏梅

九枚

右二味熬湯乘熱薰洗

敷方

藜蘆

爲末

右用豬脂油調敷自收

陰痔薰法

烏頭

右用醎醋熬薰自消

溫中坐藥方

遠志

乾薑

吳茱萸

蛇床子

各等分

右爲末綿裹納戶內一日二次換

膏髮煎

婦人亂髮 一團

右用豬膏熬化服之小便利則愈

桂心釜墨散

桂心

釜底墨

各等分

右二味爲末酒服方寸匕

白一利為末配成式七小

子林山

益神學

公華金

林山全聖精

白一利為末配成式七小

誠人昭表

雜證門

熱入血室

加味小柴胡湯

熱入血室經適斷邪熱乘虛血室潛寒熱有時如瘧狀小柴胡加歸地丹

註

金匱云婦人中風七八日續來寒熱發作有時經水適斷此為熱入血室其血必結故使如瘧狀發作有時小柴胡湯主之此言邪熱未盡值經來乘虛入於血室之間而潛藏之

故令血結而寒熱有時如瘧狀也血室肝主
之肝與膽為表裏膽因肝受邪而病寒熱故
用小柴胡湯主之也加當歸生地丹皮者所
以清血分之熱也

小柴胡湯

方見首卷柴胡
四物湯註中

熱入血室經適來晝日明了夜譫妄無犯胃氣上
二焦熱隨血去自無恙

註

金匱云婦人傷寒發熱經水適來晝日明了

夜則譫語如見鬼狀此為熱入血室治之無

犯胃氣及上二焦必自愈也此言熱雖入於
血室然經行不斷則熱不留結勿謂譫妄遂
以消黃犯其胃氣刺傷榮血小柴和解犯上
二焦但俟其熱隨血去病必自愈傷寒論曰
血自下下者愈此之謂也

刺期門法

清熱行血湯

熱入血室成結胸下血譫語頭汗出二者皆當刺
期門隨其實取泄而去清熱行血桃紅丹靈脂地

草穿山赤

註

金匱云婦人中風發熱惡寒經水適來得七八日熱除脈遲身涼胸脇滿如結胸狀譫語者此爲熱入血室也當刺期門隨其實而取之又云陽明病下血譫語者此爲熱入血室但頭汗出當刺期門隨其實而瀉之澱然汗出者愈此二條一言適來卽斷血結在裏爲實證一言陽明病亦有熱入血室但下血頭汗出爲不同故爲熱入血室亦由肝實故均

謂當刺期門也不能刺者以清熱行血湯治之其方卽桃仁紅花丹皮五靈脂生地甘草穿山甲赤芍也合四證觀之大抵有寒熱如瘧之證方可用小柴胡否則或不藥自愈或刺期門而清熱行血以隨其實而瀉之此仲景心法也不得概以小柴胡治之也

血分水分總括

經水先閉後病腫任衝寒濕血壅經先發水腫後經閉水溢皮膚泛濫行血分難醫水易治二者詳

叅要辨明

註

婦人經水先閉後病腫者乃寒濕傷於衝任
血壅經隧也名曰血分若先病腫而後經閉
者乃土不制水水邪泛濫溢於皮膚也名曰
水分血分難治水分局治二者須當詳辨
血分證治

加味小調經散

血分血壅不能行四肢浮腫病非輕但使經通腫
自散紅丹膝入小調經

註
血分腫乃血壅不行流於四肢故令浮腫此
不必治腫但調其經經通其腫自消宜小調
經散加紅花丹皮牛膝治之

小調經散

方見三卷浮腫

水分證治

先腫後閉名水分停飲膀胱氣不行水消腫退經
自至茯苓導水效通神

註

水分腫乃水飲內停膀胱之氣化不行水溢
皮膚故令浮腫經閉也此但宜治水水消腫

退其經自通用茯苓導水丸治之

茯苓導水湯

方見胎前門子腫條

夢與鬼交證治

加味歸脾湯

獨笑獨悲畏見人神虛夜夢鬼邪侵歸脾湯調辰砂珀定志清心魂魄寧

註

婦人七情內傷虧損心脾神無所護鬼邪干

正魂魄不寧故夜夢鬼交獨笑獨悲如有對忤是其候也宜用歸脾湯調辰砂琥珀末服

之則志定心清魂魄安而無邪夢矣

歸脾湯

方見首卷

梅核氣證治

半夏厚樸湯

婦人咽中如炙轡或如梅核結咽間半夏厚樸湯
最效半樸蘇茯苓引煎

註

千金方云咽中帖帖如有炙肉吐之不出吞
之不下卽所謂咽中如有炙轡也俗名梅核
氣蓋因內傷七情外傷寒冷所致宜用金匱

半夏厚樸湯主之即半夏厚樸蘇葉茯苓生

薑煎也

血風瘡證治

加味道遙散

徧身痞癩如丹毒癢痛無時搔作瘡血風風濕兼
血燥加味道遙連地方愈後白屑肌膚強血虛不
潤養榮湯

註

婦人血風瘡證徧身起痞癩如丹毒狀或癢

或痛搔之則成瘡由風濕血燥所致宜用加

味道遙散加黃連生地如瘡結痂而愈復起
白屑肌膚強硬者乃血少不潤也宜服益氣
養榮湯

加味道遙散

方見前
陰痛條

益氣養榮湯

方見首卷

賺瘡證治

桂附地黃丸

憂思鬱怒肝脾損濕熱生瘡長兩賺外屬三陽爲
易治內屬三陰治每難初起紅腫敗毒散濃水淋

瀉補中煎晡熱陰虛宜六味食少畏寒桂附丸

註

婦人憂思鬱怒傷損肝脾或飲食不調損其胃氣則濕熱下注更被寒濕外邪所客則必兩脇生瘡外臙足三陽經尚屬易治若生於內臙屬足三陰經每多難愈初起紅腫宜人參敗毒散潰後濃水淋漓宜補中益氣湯若更晡熱是爲陰虧宜兼服六味地黃丸若食少體倦畏寒則爲真陽不足宜服桂附地黃丸卽六味地黃丸加肉桂附子也

人參敗毒散

方見產後痢條

補中益氣湯

方見首卷血崩條

六味地黃丸

方見首卷

足跟痛證治

督脈發源腎經過三陰虛熱足跟疼六味地黃滋

真水腫潰流膿用八珍

註

足跟乃督脈發源之地足少陰腎經從此所

過若三陰虛熱則足跟疼痛宜用大劑六味

地黃丸料煎服以峻補其真水若痛久不愈

腫潰流膿者宜服八珍湯以大補其氣血

雜證門彙方

半夏厚樸湯

半夏

厚樸

蘇葉

茯苓

各二錢

右生薑煎服

清熱行血湯

桃仁 一錢

紅花 一錢

丹皮

五靈脂

生地 各二錢

甘草 五分

穿山甲

赤芍 各一錢

右水煎服

八珍湯 方見首卷

人多感
眼自赤

六木散

采山甲

中藥
五分

主血

中藥
五分